

Untervazer Burgenverein Untervaz


Texte zur Dorfgeschichte von Untervaz



2022

Zainablatt Vazer Fasnacht

Email: dorfgeschichte@burgenverein-untervaz.ch. Weitere Texte zur Dorfgeschichte sind im Internet unter <http://www.burgenverein-untervaz.ch/dorfgeschichte> erhältlich. Beilagen der Jahresberichte „Anno Domini“ unter <http://www.burgenverein-untervaz.ch/annodomini>.




Inhaltsverzeichnis




Vorwort.....	Seite 1
A paar Wort vum OK Vazer Fasnacht.....	Seite 2
D' Vazer Corona Fasnacht 2021.....	Seite 3-5
Ablauf Vazer Fasnacht 2022.....	Seite 6
Stermarsch und Guggauftritt am Nomittag.....	Seite 7
Öpis zum Schmunzla.....	Seite 8-15
Rätselecka.....	Seite 16
Öpis zum Schmunzla.....	Seite 17-29
Schnitzelbänk vu da Vazer Häxa.....	Seite 30
Schlusswort & Sponsoren.....	Seite 31





Vorwort



Liabi Vazer/Inna, Liabi Fasnächtler/Inna,

Gära wettemer au hüür z' vergangena Johr wieder uf a spezielli Art Revue passiara lu in üserem Zainablatt... All dia heitera Gschichta züügen vu ma immer no intakta Dorf- und Vereinsläba z' Vaz...

Miar vum OK Fasnacht wünschen eu guati Unterhaltig bim Läsa vum diesjähriга Zainablatt und bitten dia zitiarta Persona, nit alles ganz a so emscht z' nii...

Restaurant
Sternen

Heidi's Crêpesbistli



SCHATTAHÖGGLER



UNTERVAZ

dtv untervaz



untervaz



A paar Wort vum OK Vazer Fasnacht

Liabi fasnachtsbegeistereti Vazer|nna

Getreu am diesjähriга Motto «Zäma fürschi luaga» hän miar im November 2021 mit grossem Elan und voller Vorfreud agfanga d' Vazer Fasnacht 2022 plana. Do dr Guggaball im Männastall ohni grossa Mehrufwand stattfinda hät chöna, hän miar d'Hoffnig uf a Fasnacht wia miar sei kennen, trotz Corona nid ufgii.

Di erst Sitzig mit allna Varei und Standbetrieber wo mitmachen hän miar am 23. November 2021 im Sterna ka. Sogar Gmei isch mitem René und dr Romana awesend gsii. An dära Stell viela häzliche Dank für eueri Unterstützig! Üseri Idee und z'Konzept, wia miar d' Vazer Fasnacht trotz Corona chön duriführa, isch gstanda. Natürl aber immer mitem Gedanka im Hinterchopf, dass sich jederzeit wieder alles cha ändera.

Zuasätzli hät's a erfreulichi Sach gii an dem 23. November 2021 und zwor hän miar (Strähl, Nädi, Böxli, Högg und Alex) dr «Varei Vazer Fasnacht» im Sterna gründet. Juuhuuuu © Mitama Schnäpsli agstossa, hän miar bereits an däm Obet di erste Passivmitglieder für üsera Varei chöna gwinna.

Wetsch au DU Passivmitglied vum Varei Vazer Fasnacht wärda und d'Fasnacht mima jöhrliche Zuastupf noch Wahl unterstütza? Dänn schrieb doch as Mail mit dinem Nama und dr Adressa uf vazerfasnacht@gmail.com und du ghörsch vu üs. Miar freuen üs uf vieli Ameldiga.

Am 25. Januar 2022 hät dän dia nögst und alles entscheidendi Sitzig mit da beteiligta Varei und Standbetrieber im Sterna stattgfunda. Vorgängig hät z'OK bereits mit dr Gmei und am Kanton möglichi Optiona für a Fasnacht 2022 prüaft. Voller Freud sin miar us dr Sitzig usa. Alli Varei, Standbetrieber und Gastronoma unterstützen z'usgarbeiteta Konzept und sin mit vu dr Partie. Getreu nochem Motto «Zäma fürschi luaga». Danka an alli Involviarta, dass iar dr Muat und d'Motivation hän, zäma mit üs öpis Tolls uf d'Bei stella.

Ufgrund vu vielna Ungwüssheita und am Wegfall vum Umzug hät sich z'OK entschieda, im 2022 kai Vazer Chopf z'kühra.

Voller Zuaversicht luagen miar ins 2023 und hoffen, dänn wieder a Fasnacht duri führa z'chöna, wia miar sei können. Mit grossem Umzug und mir Fasnachtsparty in dr Mehrzweckhalla...

Miar freuen üs uf unvergässlich närrischi Täg mit eu!


Zäma fürschi luaga

Euers OK


Högg (André Hug), Böxli (Reto Joos), Strähl (Aaron Scheucher),
Nädi (Nadja Bürkli) und Alex (Alexandra Wolf)



Vazer Corona-Fasnacht 2021



SchmuDo amol a bitz anderscht.....



Dur «d' Vazer Päärlifraua» wärden üseri Seniorinna und Seniora dr SchmuDo nia vergässa. Danka viel mol für euera |satz.

D' Fasnachts-Päärlü und z' OK Fasnacht wetten a Dank ussprächa für z' alljöhrlücha Sponsora vu da Mütsch vum KIESWERK UNTERVAZ. Härzlichä Dank!! Das isch nit selbstverständlich und wüssen miar sehr z' schätza.




Liabi Seniorin, liaba Senior
 Mitem Überbringa vu däm „Mutsch“ läbt a alta Bruuch vu Untervaz
 wüiter, wo schu frühner zum Schmutziga Dunnstig ghört hät. Gra Hür
 ischas üs a bsunders Aliega lhna dä „Mutsch“ z' übergi, verbunda
 mitem Wunsch: Bliiben Sie gsund und a guati Ziit.
 Mit liaba Grüass, d' Untervazer Fasnachts-Päärlü



Vazer Corona-Fasnacht 2021





D' Fasnacht 2021 gstartet mit da Böller, dur z' Dorf gfhra mim Zainablatt-Kiosk und a paar winigi Fasnächtler uf dr Stross troffa. Mir hän ghört, dass mir aso a huufna Fasnachtsbegeischereta a Lächla ins Gsicht zaubera hän chöna....



Vazer Corona-Fasnacht 2021



D' Stefanie Galliard vum Heublüamlihof mit ihma Rittfründa hän au a speziellera Fasnachtsumzug gmacht.



Dr Chindsgi hät trotz Corona d' Fasnacht au nit vergässa, sooo schüüü.



Motto
«Zäma
fürschi
luaga»

VAZER FASNACHT

20 22

Schmudo 24.2.2022

ab 12.00 Uhr Bändelausgabe
=> Zertifikats- und Alterskontrolle
am Standort Platz
zusätzlich ab 14.00 Uhr Bändelausgabe
=> Zertifikats- und Alterskontrolle
am Standort Stotz

Verpflegung ab 14.00 Uhr
Wurstzipfla und z'Crépe-Wägali

14.00 Uhr Start kleiner Kinderumzug
Platz über Kronengasse, Töbeli, Stotz
bis ins Festgelände

anschliessend Kinderfasnacht beim SCU-Zelt
mit den Vazer Häxa, Schattahögglar und Fänza Fäzer

**Liebe Kinder lasst euch etwas einfallen,
es wird eine Maskenprämierung geben.**

Schnitzelbänke von den Vazer Häxa:

16.30 Uhr Sternen
17.30 Uhr Gallis
18.30 Uhr Gärbi

ab 14 Uhr
Beizen und Strassenfasnacht im
abgesperrten Festgelände 2G+
Restaurant Sternen, Gallis, Gärbi,
SCU-Zelt und Usfahrbar

ab 20.00 bis 00.00 Uhr
diverse Guggenauftritte

2G+
KEIN ZUTRITT
OHNE BÄNDEL

(Ausnahme
Kinder unter
16 Jahren)

jeweils
abgesperrtes
Festgelände
von Raiffeisenbank
bis unterhalb
Restaurant Sternen
2G+

Fasnachtssamstag 26.2.2022

05.30 Uhr
Start Morgenstreich
Fänza Fäzer mit Böller

ab 11.00 Uhr Bändelausgabe
=> Zertifikats- und Alterskontrolle
am Standort Platz
zusätzlich ab 12.00 Uhr Bändelausgabe
=> Zertifikats- und Alterskontrolle
am Standort Stotz

Verpflegung ab 14.00 Uhr
Wurstzipfla und z'Crépe-Wägali

um 14.11 Uhr
Sternmarsch der Guggen bis
zum Festgelände

anschliessend Guggenkonzerter

Schnitzelbänke von den Vazer Häxa:

16.00 Uhr Gallis
17.00 Uhr Sternen

ab 13.30 Uhr
Beizen und Strassenfasnacht im
abgesperrten Festgelände 2G+
Restaurant Sternen, Gallis, Gärbi,
SCU-Zelt und Usfahrbar

ab 20.00 bis 00.00 Uhr
diverse Guggenauftritte

Freitag,
18.2.2022
Verkaufsstart Zainablatt
in den Restaurants

Samstag,
19.2.2022
Zainablatt im Volg
erhältlich



Start Sternmarsch 14.11h

- 1 Nessiguugger
- 2 Schattahögger / Bläschmelzer
- 3 Fänza Fäzer / Igiser Holzchöpf
- 4 Drachafääger / Las Patlaunas

Guggauftritt nochem Sternmarsch uf dr Ussabühni

14.30h – 14.50h	Bläschmelzer Winterthur
15.00h – 15.20h	Las Patlaunas Brigels
15.40h – 16.00h	Nessiguugger Brunnen
16.20h – 16.40h	Schattahögger Unterwaz
17.15h – 17.45h	Fänza Fäzer Unterwaz
18.00h – 18.20h	Drachafääger Vättis

Laidar müamer wia schu erwähnt uf üsera gross Umzug verzichta. As muass doch aber glich a bitzli Umzugsfeeling in Gassa vu Vaz cho. Das hät sich z' OK dänkt und sich überleit a Sternmarsch z' macha.

As wird vier Stationa gi. Vu döt startet immer mindestens ai Gugga.

- Station 1 => Veltlinerhalla
- Station 2 => Vordergass bim Brunna
- Station 3 => Chrüzig Cosenzstross / Chirchgass
- Station 4 => Chrüzig Quodergass / Calandawäg

Vielleicht schlüssen sich jo no a paar anderi Fuassgruppa da verschidena Stationa ah !?!? ;-)

Schlussändli wärden alli Guggana bir Ussabühni, am Ziel vum Sternmarsch, aglanga. Dia kakophonische Kläng vu jedera Gugga wärden im Abschluss üsers Fäschtgländ so richtig zum beeba bringa.

...Bis au DU mit derbei...



Öpis zum Schmunzla



A Grücht sei ummi ganga, dass wänn d' Huusfraua pressiarä müan, sei sich jetz kai Sorga mäa um da z' Mittag macha müan.




Dr Michel, Willi und Lele sin in z' Kino uf Hohaems dr Bond go luaga ganga, Lele gang go teschta do nit gimpt bisch und tuan z' Zertifikat joo nit verhangä. Kai Problem maint dr Lele, alles im Griff hätter gsprocha, wo är nit ihi chu isch, ischer dänn glich vor Schaam fascht verchrocha. Dr Willi gitem dänn für drei Stund dr Autoschlüssel voll erbarma, so isch dr <Kai Problem Lele> winigstens im warma.



FÜR 75CL GOHT DAS NO...

DR NICO P. GOHT MIM JUGENDVARAI UF DAVOS, HOFFENTLI ISCH TROTZ ABSAG VUM SPÄNGLERCUP ÖPIS LOS. GO SICH STÄRCHA GÖNNS NO ZÄMA INS RESTAURANT OXA, A 429 FRÄNKIGI FLÄSCHA AMARONE DERZUA, DO CHÖNSCHNA BOXA.

3x Valser mit 75cl	7,90	7,90
1x Valser ohne 75cl	5,00	5,00
1x Eistee 33cl	9,00	9,00
1x Weinschorle Süss	9,00	9,00
1x Amarone Classico Della	429,00	429,00
1x Moretti Stange 0.3	5,50	5,50
2x Rivella Rot 33cl	5,00	10,00
2x Double Menu Salat	0,00	0,00
2x Nüssisalat	17,90	35,80
1x Saisonaler Blattsalat	10,50	21,00
1x Salat Caprese	15,50	15,50
3x Knoblibrot	6,50	6,50
2x Black Tiger Garnelen 8 Stück	13,50	40,50
1x ...	21,50	43,00



COSENZ AG
Schalungen & Baugeräte



Soziali Media Part. 1



Wenn du den Ballon gesehen hast und dazu beitragen kannst, das er zum Besitzer zurück kommt.

Hilfe- am Gotti isch a Ballon weggfloga mit 50.- Franka dinna. Wenn na öppert findet, wären miar froh, wenn er abgeh würdi. D A N K A vielmol...d Farb vum Ballon weiss i nit

Müllli Müllsch
4. Jan. · 👤
Spitzasport goht je länger je meh nur no um Geld und Macht. I könnt nur no kotza dass dr Novax Sockahitsch Schoofseggel als einziga nit gimpfta Spieler am Aussie Open dörf teilneh.

An allfälliga Sieg: wertlos

a Forfait infolge 🦠: i hett Müah a starki Erektion z unterdrucka

Für mi brucht er kei wietara Slam für dr GAOAT 😂

Ihr könnt Euch selber vorstellen für was das A an zweiter Stelle steht

👍😂 20

4 Kommentare

DIE POST **Volg**


Unsere Öffnungszeiten:
Montag bis Samstag:

06.00 - 20.00 Uhr

Wir freuen uns, Sie in unserer Filiale in Untervaz begrüßen zu dürfen.

Volg Untervaz
Quadregasse 6 / 7204 Untervaz / Tel. 081 322 14 21

Untervaz



Müllli Müllsch
6 Tg. · 👤

Frühestes Aussie Open out für NOVax Sockenhitsch 🇨🇭🇨🇦

Wie reimte schon Peach Weber: fit in den Flugli schlapp wieder zruggi 😂

Was as geils Land - sie hend KÄNguru und KÄNnovak 🦘


So happy i think about to spend my sabbatical in the wonderful continent Australia 🇦🇺 🦘

👍😂 17

4 Kommentare



Öpis zum Schmunzla



D' Lorena und dr Stefan Bürkli gönn z' Mels in da DriveIn für a Gaumaschmaus, sei bstellen a Menü, das heisst Steakhouse. Do säit d' Verchäuferi miar hän sicher sit 20 Jahr kai sona Burger meh, iar müan do bi iis also öpis anders neh. Sona Menü hani doch erst grad gholt, tuat d' Lorena säga, dr Wäg zum Burger King anstatt zum Mäc sötma sich halt schu ipräga.



Für d' Fitness tuat z' Nati a neus Elektro Bike chaufa, Velofahra isch agnehmer als ständig aswes im Züüg unra laufa.

Dr Turbo isch di nna und glich isch sei uf Pedala gstanda, drus folgt isch, dass sei tuat uf dr Schnauza landa.



Liabi Nati, au E-Bike fahra söll glänt si, bim dritta mol uf d Schnorra keia, luagt au d Redaktion nüma dra verbii.



Dr Walli Holz brucht WC Papier und goht in da Lada, döt nüm't är z' günstigsta und drvo grad zwoi, sött jo as Wiili langa. Dahai hätter gmerkt daser z' falscha Papier kauft hät, mit Hushaltspapier chama au putza dä Dräck? Ga zruck geh oder umtuuscha ischem z' kompliziert, dia Blätter chama au drittla, das goht gwüss wia gschmiart. Ma sött mit Poschta jo schu abiz luaga uf d' Priisa, aber bim WC Papier sött ma nit spara, wänns goht umz Schiisa..



Z' Evi hät letscht SchmuDo lieber bim Schangli z' Ragaz wella sii, sei seg dänn am Fritig bim Zainablatt-Kiosk-Bau voll derbii. Wie bi da OK Kollega isches au bi ihra rund gloffa, und hät an däm SchmuDo eis z' viel gsoffa. Nüt vergässa wie dia andera drei, drum gits nüt z' mötzla, derfür hät sei nit chöna go wagabaua cho wägem chötzla.



Öpis zum Schmunzla

Restaurant Veltlinerhalle



RAIFFEISEN



So a Abwäschmaschine isch schu sehr genehm,
wänns aim aschiesst a Schüssla abwäscha, ischs null Problem.
A bitz Abwäschmittel in d' Schüssla und gnuag Pulver drii,
dann wird das nochär schu sauber sii.
Dia Schüssla vu Hand abwäscha wär winiger Ufwand gsi,
dann nochema Wiili häts us dr Maschina gschuemet via Schwii.




Liabi HundebesitzerInna
Bruchen iar a Hund, zum mim
Auto usfahra z' törfa?



IN A RESTAURANT MIT RITTERSPIELI GOHT D' SARAH MIT IHRNA WIIBER ANS WIAHNACHTSÄSSA.
NU BLÖD, DASS SEI BIM ERSTA SPIELI TUAT D' HANDTÄSCHA AM FALSCHA ARM VERGÄSSA.



Flurina Allemann gosch du immer mit wiisa Hosa in Garta go jätta?
Eigentli gohtma mit Sunntigshosa in d' Kircha go bätta.



Während dr Sevi isch am Feriablues verfalla, güssa a Gfalla.
tuat dr Walli Holz am Nochnpuur mit Bluama chunnt Wasser drii, Kunstbluama sii.
Überall und in jedi Bluama chunnt d' Mehrheit tüan
aber Walli, sicher nit,



Glück im Spiel...Pech bim Haigu!

Bim Pokerobet bim Rolf Hug hei dr Moreno Plozza doch glatt z' Bike vum Rini überchesslet...



z'Vazer Tiny House



A Hüüsi baa tuat dr Schweini mit sinem Sohnemaa,
und das isch wie iar gsehn für as Schnäppli z'ha.



Dario Schrofer, offasichtlicher isches nit, dassma do nit töffsch fische.
Muasch ufpassa, dass nit d' Fischerpolizei sich no dri tuat mischa.

Groll solar
sanitär
heizung
HAUSTECHNIK AG

bahnstrasse 2 // 7203 ummris
tel 081 353 19 76 // fax 081 353 66 42 // www.grollhaustechnik.ch





Am 1. Skitag uf dr Heid sind d' Jlona, dr Nico, d' Fabia und d' Alex derbi, as isch a glatta aber schlussendlich au a stränga Tag gsi. Vu Stätz wieder zruck uf d' Rothorn – Sita, dä Übergang z' finda, wia Tourischa, das gits doch nita. D' Jlona meint sei fahri immer aswäm hinanoh, sei hän sich uf niamert ussert a Dütscha chöna verloh. Uf ahüb häns dänn au d' Abfahrt zum Parkplatz nit gfunda, dia süürelenda Oberschenkel sin bis am nöchsta Tag nit gschwunda.



12:11 83%

südostschweiz

Startseite [Im Fokus](#) [News ohne Corona](#)

Entschuldigung an Untervazer

Herr Patt, Sie haben mich zu Recht auf den Fehler aufmerksam gemacht. Es war mir wichtig, auf das schäbige, anonyme Schreiben, das ich erhalten hatte, irgendwie zu reagieren. In Unkenntnis, dass es ein Postverteilzentrum in Untervaz gibt, habe ich angenommen, der Unbekannte habe die dorfeigene Post bemüht. In keinster Weise wollte ich einen Generalverdacht in die Welt setzen. Ich entschuldige mich in aller Form bei den Untervazern! Das mache ich nun online, da ein dritter Brief von mir, in so kurzer Zeit, wohl nicht berücksichtigt wird, gerade in Zeiten der Kurzarbeit. Ich hoffe sehr, dass die Entschuldigung trotzdem ankommt.

Annemarie Spescha 26. März 2021, 14:32:05

Leserbrief


Ort: Disentis

Zum Artikel:

*Liabi Leser und Leserinna
Wenn a Sideboard (Chäschtfli) nit ins Auto passt, was wüender machs?*

- 1) Sideboard in Kofferrum, wenns nit zuagot, mit ma Schnüarli zuabinda
1A) über d' Hauptstross vu Chur hai
1B) über d' Autobahn vu Chur hai
und ohni Buass hai*
- 2) Alli Sitz füri chlappa, Sideboard ihi, Kofferrum zua und ohni Umweg*

D' Lex hetti Variante 2 empfohla, dr Dünser het sich jedoch für Variantianta 1A mit Buass entschida. 😊



Öpis zum Schmunzla



Gregy suacht Party im Sterna

Nochema heitera Firmaalass stolperet dr Gregy no ind Beiz, schnell an da TV-Tisch, dia nömmen sicher no Eins.
 „Was isch dänn do los? Dia reden alli nu und hän gär kai Fäscht!??
 Aber am 11i goni sicher nonit ins Näscht“.
 So gots nit lang und er chnurr uf dem Spuntabänkli wiana Stai, im Nochhinein wäri vilicht gliich gschiider abitzali früahner Hai.



Z' Märi und z' Nati,
 das sin miar zwei Glatti.
 An a Hochziit ins Tessin vur Familia gu,
 das lön sei sich sicher nit entgu.
 Will z' Märi z' Gallis nit eifach chan verlu, müans no wacker juffla,
 und schlussendli muass z' Hotelpersonal no zwei Zimmer frei schuffla.
 Plötzli muass d' Märi aso varruckt lacha,
 Nati, sei tüan miar im Estrich a Zimmer parat macha.
 Nochera schöna Hochziit mim Taxi wieder zruck ins Hotelzimmer,
 zwei glichi Näma und schwups im falscha Hotel simmer,
 Z' nöchshta Mol besser läsa und nit aso pressiara,
 dänn z' richtiga Hotel täti nämli fasziniara.




Anstatt reklamaria wägem Lärm, fangts dr Marianne im Gallis a gfalla,
 do chunnt sei noch da erstä Bstüch schu ins lalla.
 Marianne, so a Ciüpli isch halt nit wiana Siriüpli.
 Dr Lecchino hättera eis zwei zahlt und dänn chunnt's halt derzua,
 dass dr Fränc d' Marianne muass in d' Wohnig hai tua.



Wäma an Caumasee goht, a Parkbillet gnuag lang löst und trotzdem a Buass am Charra hät, isch öppis wacker falsch gloffa.. und wacker falsch isch in däm Fall wäma d' Autonummera nit richtig in dr Parkuhr ihtraut Strähl!



Wo ist Walter?



Üseri Gwinner vum Rätsel «Schlüssel zum Fasnachts-Glück» und somit wärdens glücklich Gwinner vu je drei Guatschii wo mir ihna per Poscht wärdens zuaschicka.

1. Fabienne Wolf
2. Urs Michel
3. Naomi Weber

HERZLICHIGRATULATION





«Z' schünschta an Zizers isch, dä wunderschüü Blick uf Vaz».
 Wie sait ma doch immer:
 AMEN



Dr LEO + CLARA hän a Hündli kauft,
 das häns wia ihri Anfangsbuchstaba vu da Näma tauft,
 D'Lecla wird immer umsorgt und guat überwacht,
 wo sei dänn plötzli nüma uma gsi isch am Geburi vum Lobo, sin alli gstanda & wieder verwacht.
 Sogar dr Marcel Galliard springt uf und luagt über Brüstig ahi vum Balkon,
 Gottseidank hät Clara denn ghört im Stägahuus a lilsige Ton.



SAFETY FIRST
 Dr Gütterli got wia immer bir Heineken Getränk gu abhola mim Laschtwaga,
 neu muasch aber no a paar Sicherheitsfroga beantworta vorem belada.
 „Kai Sach“ tänkt sich dr Gütterli, „zum das Video luaga hani aber kei Ziit und los us“,
 bim Frogeboga chunnt är dänn aber us da Froga zum Video wo är nit gluagt hät gär nit drus...
 Sicherheit got vor, nösch mol luagt är dän halt das Video vorem Tor....



Golden Girls

Sit eh und je gsähtma dia Frau mit ihma Wägali go poschta, demoh ana Kaffi, das tüans gnüssa und so richtig uschoschta. A Grücht sait, ihari Männer seiendi aso schlank, wills nochem Poschta z' lang bim Kaffi hocken und aso nüt recht's uf da Mittagstisch chunnt.



ufem Fäschbank hogga, a Piarli trinka und Tschutta luaga isch schu a Gnüss. D' Fuassball EM tüans überträga im Gallis verdüss, Dr Cäspi Bürkli lot sich das sicher nit entgu, und tuat sich ufa Fäschbank nieder lu. Plötzli tuats a Chlapf und im Gesicht vum Cäspi bars entsetza, tuat är sich unfreiwillig samt dr Fläscha Piar an Boda setza.



D Rais uf Dubai, Geldseckel vergässa, falscha CheckIn
Das alles plakiart dr Dünser das müass ins Zainablatt chu, D' Redaktion hät dänn aber entschieda, dass Sälbstinszeniarig ima Rusch nit unbedingt müass dinna stu.



Dr Remo Schrofer tuat nochem TV Training uhni suberi Hosa do stu, drum hätter zuma Piar zum Celli halt müassa in da Unterhosa gu.



Dr Schwingclub baut a neu Schwinghalla z' Vaz,
do hät ufem Dach sogar no a PV-Alag platz.
Dia Befestigunga für Paneel müan guat berechnet si,
mit dases nit hebt und nit gnuag an dr Azahl tuat gi.
Z' ganze Dach isch bereits schu doba gsi,
sei müans aber im Frühling wäga zwingig Befestigunga wieder ahi ni.



Stickwerk
Stickerei • Textildruck • Werbetechnik

Dr Schindli isch im TV afanga altigsässa,
wiama Trainerhosa aleit hätter anschienend doch vergässa.
Verchehrt hätter dia agleit zum ga trainiara,
do tuat sich dr Peter wäga däm aber sicher nid blamiara.




Dr Rolf Bürkli hei für z' Fötali für in Ziitig
ägschtra a suubers Hemp agleit. Kai Witz ;-)



Dr neu Dokter wo in Praxis in dr Wingertsplona isch chu,
hät noch churzer Ziit wieder müassa/sölla/chöna/wella gu.
D' Restaurant gönn zua, Poscht wird in Volg verleit und Becki isch zua ganga,
do hättma doch au nit no für a zweeti Arztpraxis a Verlänga!?!?

Dr Wärchhof in Trimmis isch schu a guati Idee,
hät d' Vazer Gnei das Konzept ächt au schu amol gseh.

Öpis zum Schmunzla




... Schlimmer als wänn würkli SchmuDo gsii wär...

Z'OK Fasnacht hät letschjahr am SchmuDo bir Alex gleich a bitz chöna füra, do leider nüt stattfinda hät chöna häns gseit miar chön nid eifach aso umaliira. A Fäsch isch dänn gleich no a wahnsinnigs drus worda, will dr Chopf hät sich am nöchsta Tag zimli häftig gmolda. D'Flura hät abota am Samstag ca. am gi heissa Fleischchäs z'macha, am Samstag früh ufgestanda, do isch und isch niamert, das isch nüma gsi zum Lacha. A SMS vur Flura chunnt zum OK Fasnacht und schreibt, «dr Fleischchäs isch dänn am Nomí am 15.00 Uhr nüma ganz frisch». Miar hän impfal abgmacht am Donnstig woní bí eu gsi bin, dr Bewüs liegt au ufem Tisch?!?!



Am Guggauftritt z'Vättis sin d'Fänza Fäzer im November gsi, do isch natürlí dr Adi au voll und ganz derbíi. Dahei achu merker mit grossem Entsetza und git a Schrei, wia chumi jetzt in d'Wöhni? I han mina Schlüssel verlor, ohhh nai... D'Fabia isch au nonid dahei aber zum Glück ufem Rückwäg vum Hockeymatsch z'Davos, blibt am Adi nüt anders übrig als unter da Briafkästa z'schlafa, das isch aber au famos



10 MINUTA UF 40 GRAD, D'ROMY ISCH A GUATI HUSFRAU DAS WEISS I GANZ GENAU. NU NO SCHNELL A WÄSCH OB TUA, DENN HET SEI ENDLI A CHLI RUAH. DOCH, OH HERRJEH LAHRES NATEL ISCH NIANA MEH. WO CHÖNT DAS NUMA SI? ISCH ES ECHT IR MASCHINA DRI? GA USSA HOLA GOT SEI'S GANZ SCHNELL, DAS GHÖRT DÖT NIT IHI, GELL. ÜBER NACHT INS RIS ILEGGÄ SO HET SEI'S WIEDER CHÖNA ZUM LÄBA ERWEGGA.



Öpis zum Schmunzla



Dr Sigi und d'Alice Fischer hän abitz Balkonpech gha,
 und glauben gra zweimol dra.
 Eimol isch iahri Tochter d'Linda zu ihna z'Bsuech chu, und sie hän
 ufem Balkon a Kaffi zu sich gnu.
 D'Linda tuat sich denn nochama Wili verabschida und goht,
 dr Sigi und d'Alice wüssen dua no nid, dass ihna a Problem noht. Will
 spöter probiart dr Sigi wider in d Wohnig ihi ds goh,
 doch dia Balkontüra git eifach ni noh.
 D'Linda hät dia Balkontüra bschlossa vu innadra,
 und a Natel hät dr Sigi und d Alice au nid bei sich gha.
 D'Linda isch schu über alli Berga,
 während dr Sigi und d Alice varruckt tüan werda.
 Zum Glück lauft aber dr Thomi Joos uf dr Stross ahi
 und ghört vum Sigi a luta Schrai
 "Thomi miar sinn do in Not!",
 rüaft dr Sigi mimna Kopf wo isch vor Wuat ganz rot.
 Dr Thommi goht dia zwei vum Balkon gu befreia
 und isch dr Retter, Das hät sicher no für d'Linda geh a Donnerwetter.
 A anders Mol goht dr Sigi und d'Alice, ind Feria ins Wallis.
 Sie hän a guati Ahreis gha
 und luagen gra zerscht amol ds Hotelzimmer gnau ah.
 «Luag as hät sugar a schüna Balkon do!»,
 meint dr Sigi und tuat gra amol ussastoh.
 Vur Usicht chönnt d'Alice gra a Foti schüssa
 Und goht drum au ussa und tuat hinder sich d'Türa schlüssa.
 Langsam wänn dia baida wider ihigoh,
 doch d'Balkontüra tuat sich nümma offmachaloh.
 Niamert tuat dia beida usgsperhta gseh
 und so stönn dia beida dussa im Schnee.
 Dia Feria fangen jo super ah,
 doch zum Glück isch d'Putzfrau in da Zimmera no mit putza dra.
 Dia tuat ghöra wia dr Sigi rüafa tuat
 und befreit dia beida noch a hufa gschwitztem Bluat.



Was ist passiert: Gära NFL luaga tuat dr Andreas Lipp, drum plant er mit sina Kollega
 Londontrip. Er buacht alles ganz genau und macht sich au über d Coronaregla schlau. Alli
 sin gimpt und hän drum a Zertifikat vum BAG, do cha's jo nu a gails Weekend geh.
 Doch öpis entgoht ihm und dr Itschi merkt wia's wird uh schlim. Denn er isch Ix
 gimpt und gnesa, doch das loht ds England nid gelta ds Sicherheitswesa. Zweimol gimpt
 muama si, zum au chönna ins Stadion dri. Drum muass er als einziga bliba dahai und hät
 dr Match gluagt ufem Kutschi allai



grafik • druck • werbetechnik •

druckallerei

bedruckt und beschriftet:

- Papier
- Fahrzeuge
- Holz
- Textilien
- Stein
- Plastik
- Glas
- Metall

hintergasse 7
7204 untervaz
t 079 826 82 11
mail@druckallerei.ch
www.druckallerei.ch



Öpis zum Schmunzla

Dr Roger Rellstab goht sin neu Jeep uf Jenaz ga hola,
mit drbei hätter alli Papier und a huufa Chola.
Nu d Nummera hätter dahei vergässa ohje,
aber im Prättigau häts eh kei Polizei wona chönnti ussi neh.

Är packt dr zweit Satz Pneu uf sini neu Maschina
und fahrt heiwärts, ab wiana Biina.


Doch prompt wird är ahghalta vuma Tschugger.

„Hät dä schu gsäa dasi ohni Nummera fahra oder was zum Gugger?“

„Iari Pneu sin nit ordnigsmäss, also gar nit bunda!“

Obs a Buass geh hät weiss d Redaktion nit,


sin Charra hätter amol nit stoh loh müassa, d Gummi hätter nämli ufm Rückbank uf Vaz hai mit.



Rutschparty Familia Galliard



Scan mii



Im Toggaburg verlürt dr Curdin dr Autoschlüssel im Schnee,
was macht ma do nu, Herrjehmineh...

Z' Böxli hät dänn dr Uftrag kriagt a Ersatz im Töbali ga suacht
jedi Jacka hätter müassa filza, as isch gsi zum Fluacha!

A Zweitschlüssel wird gfunda, also ab mitem inz Toggi,
dr Brüatsch isch erlichteret und cha Dampf abloh wie Locki.
Jetzt muasser nuno sis Züg ga hola in z' Kollegapärlis Auto,
und dänn gohts haiwärts in einem Karacho.

Dahei tuater dänn amol d' Hosasäck lähra,
do tuats dä arm Kerli schu wieder fascht chehra.

Nit sina Schlüssel findet är im Sack,
nei dä vu da Kollega, huara Kack!

Janu, ob jetzt ei oder zweimol dr glich Wäg für nüt gu fahra,
das spielt jetzt au kei Rolla meh, as sött nu nit grad jeda erfahra.



Öpis zum Schmunzla



Dr Beat Joos hät sinera Frau z'Velo gflickt,
und sei aso an d' Schualrottsitzig gschickt.
Vu Baltschin bis ins Dorf isch sei chu,
ufem Haiwäg bim Rai ischera dänn aber plötzli z'Vorderrad dervu.
Ihara Maa cha schu a huufa sälber macha,
wänns Petra gworfa hätti, wärs ihm sicher verganga z' Lacha.

HAST DU




'N RAD AB?



Celli Jisaknat und sina Tesla

Nochem Studafescht het sich dr Celli uf da Haiweg gmacht,
nur no hai go chnurra, bevor sei verbei isch, dia dunkli Nacht.
Dakai acho zerscht no dr gliabti Tesla go umarma,
mit sinera Frau hetma schu öppa erbarma.
So ischer am Morga au unuffindbar,
d' Andrea maint „Wohrschindli ischer aswo verhangend in dera Usfahrbar“.
Doch in dr Garage ghörtma eina saga wia anera Tanna,
schuno guat de Campingmodus im neua Akkucharra.



wohnwerk L ag Architekturbüro Schreinerei
Kirechgasse 6, 7204 Untervaz, www.wohnwerk.ch

Ihr Spezialist für Küchen Fenster EgoKiefer Schreinerarbeiten

Liaba Sarganserländer
Das gits doch eifach nit...

D' Redaktion vum Zainablatt macht eu druf ufmerksam,
dass iar z' schünschta Dorf vur Alpanordsita nit eifach
törfen vergässa.

Öpis zum Gratuliara



**Au wänn üsera Högg öpa usglassa tuat fiira,
mag är wia kai Andera z' Vaz ufna 8000er stiega.**

Härzliche Glückwunsch vu dina OK Kollega.





Hitzigi Diskussionsa uf Social Media zwüscha Corona Experta Zinsli und Patt.

Soziali Media Part. 2



Stefan Zinsli

Corona Experte Zizers

Benno Patt

Corona Experte Untervaz

18:01
 < Benno Patt
 16. Feb. 2021 · 🌐

Die Sterbestatistiken 2020 der Schweiz sind schon da. Bin gespannt, ob die Taskforce das auch berücksichtigt?!!



YOUTUBE.COM
 Sterbezahlen Schweiz 2020 - Alle Details, alle Zahlen - wo ist die ÜBERSTERBLICHKEIT?

Stefan Zinsli
 Benno Patt Somit auch an dich ein Dankschön, dass du anderen bei der Impfung den Vortritt lässt, da es ja keine Übersterblichkeit gibt und somit auch die Impfung unnötig ist.

47 Wo. · Gefällt mir
 Antworten

Benno Patt
 Stefan Zinsli das ist zwar eine ziemlich kindische Aussage, aber ich lasse tatsächlich (sogar als Risikoperson) den „Gläubigen“ den Vortritt beim Impfen. Ich hätte mich schon längst anmelden können. Wenn wir gerade beim Outing sind, bei den Testkampagnen mache ich gerne mit, das ist nämlich die einzige Massnahme die etwas bringt und darum von mir unterstützt wird!

17:59
 < Benno Patt
 1. März 2021 · 🌐

Stefan Zinsli
<https://www.blick.ch/ausland/duistere-prognose-vom-sonstgrundoptimistischen-schweden-tegnell-warnt-vor-dritter-welle-und-lockerungen-id16381424.html>



44 Wo. · Gefällt mir · Antworten

8 vorherige Antworten anzeigen ...

Benno Patt
 Stefan Zinsli clever so aktualisiert man Daten und Aussagen einfach nach belieben. Das deutet nicht gerade auf eine seriöse Quelle (die genau gleichen Aussagen in deinem ersten Post mit dem Datum 23.02.)

17:59
 < Benno Patt
 1. März 2021 · 🌐


Benno Patt
 Stefan Zinsli habe nie behauptet Schweden habe keine Übersterblichkeit. Habe mich auch nie damit befasst. Gehe aber davon aus, dass die, wie sehr viele staatliche Stellen, das gleich falsche System anwenden (absolute Zahlen, Abweichungen von vorausgesetzter Sterblichkeit)!

44 Wo. · Gefällt mir
 Antworten

Benno Patt
 Stefan Zinsli meine Meinung untermauert die Aussage in dieser Statistik, dass im 2018 in Schweden 2'000 Menschen mehr gestorben sind als im 2020! Vielleicht hatten die ja den Virus schon vor allen andern auf der Welt! Das beweist doch, dass man im Internet immer etwas findet, was einem die gefasste und ...

Kommentieren ...





Restaurant Sternen Untervaz



Öffnungszeiten während der Fasnacht 2022

Schmutziger Donnerstag
24. Februar 2022

ab 09.00 Uhr offen
ab 20.00 Uhr

Musikalische Unterhaltung
mit Hans Bärtsch

Fasnachtssamstag
26. Februar 2022

ab 09.00 Uhr offen
ab 16.00 Uhr


Musikalische Unterhaltung
mit Hans Bärtsch

Uf a schüni Vazer Fasnacht freued miar üs schu hütt!
Maria und s'ganzi Sterna - Team

...Grün-Orange sind unsere Farben...

Wird ersetzt dur..... Trummlawirbel.....

Dr neu FCU-SONG



Scan mit

Premiera
im FCU-Zelt

Fasnachtssamstig
26.02.2022



Öpis zum Schmunzla



**D'Müüs im Hüüsli am Bärg machen am Lindni schwär sis Läba,
furt müan dia, das chama jo nid erträga.**



**A Muusafalla mit abits Vogelfuatter tuat är platziara,
und dia schlaua Müüs tüan sich am Fuatter bediana.**



**Das gits doch nid, iar sin jo frächi Schlawiiner,
do tuat är z'Vogelfuatter abits aliima.**



**Guggaball 2021 – ändlich isch z' Vaz wieder amol öpis los,
as richtig Fäscht, wia mas kännt bi üs, d' Freud isch riesa gross.**



**Gäll Franco Mani, fiira bis in dia früahna Morgastunda,
aso richtig packt hät di z' Fäscht-Fiaber, numa usa chu bisch us dära guata Luuna.**




**D'Fänza Fäzer sind schu lang färtig gsi mit ufruuma,
und hai ganga sind d' Gäst fast alli, uhni muula.**

**D' Guggamusiker sitzen schu im Gallis bi Gipfeli und Kaffee,
und du häsch immer no kai Haigo ka, oh wehl!**



**As isch schü, wänn z' Vaz wieder öpis lauft,
und sich z'ganza Dorf zum Fäscht zämarauft.**

Dr Andy Fischer und dr Stefan Geeser sind unter d Sportler ganga,
ganz a tolla Vorsatz hän sei sich gno und wella mim Bike dr Kunkels erlanga.
Doch so wiit isch es nid chu,
vor Vättis hät ihri Tour as Ende gnu.



Schön über d' Naturstross gfhara, derzu no abits lässig tua,
und schwupp hät dr Stefan Geeser bös dri gluagt.
Am Boda isch är gläga,
jo sogar d' REGA hätna müassa pfläga.



Dr Andy hät sich uf da Haiwäg gmacht, ganz allei und abits unter Schock,
ma glaubts fascht nid, au är liit am Boda, kum isch är wieder uf z' Velo ghockt.

Uuh schlimm isches dänn doch nid gsi, zum guata Glück,
drum sin sei zwei schu wieder parat für a neus Meischerstück.
Gäll iar zwei, geteiltes Laid isch halbes Laid.



Öpis zum Schmunzla



Am BiGAir z' Chur hättma uh lang müassa für a Piar astu,
 Wo dr Fabio z' vorderst gsi isch vur Schlanga, häns eifach kai Piar meh chöna ussi lu.
 Wie a Engel und glehrt vu dahai, chunnt dr Dani Hug derhäär,
 Und zeigt dänna hinter dr Bar wasma macha muass wänn dr Tank isch läär.




... und schnäller ischs au ganga...

Am Jonas häns am BiGAir an dr Bar a Piar geschänkt,
 kriaht dr Jeton für z' Depot derzua, man sin dia dumm hätter dänkt.
 Churz druf ahi chunnt aina zu ihm und sait.
 «Hey du häsch üs für z' Piar no kai Gäld uf Bar glaitt».
 Bi da Kollega no plöfft er heis geschänkt überchu,
 das hetter gschieder nit aso lut vu sich glu.



Zwei Schwöschtera, am gliche Ort, zur gliche Ziit,
 mim fascht gliche Bruch, am gliche Fuass

D' Herrlinda Fischer und d' Annalies am wandera,
 aber das nit wie alli andera.
 Dia aint vorrus, dia ander kinadri,
 oh scheisse das wärs bi baidna mim Sprungglenk gsi.
 Dr Arzt muass trotzdem lacha,
 und frogt was machen dänn iar für Sacha.
 Das hät är au no nia erlebt,
 zum Lotto spiela hät är sei bewegt.



D'Sabrina simmen isch noch dr Geburt im spito1 mim Nuka-Laurin.
 Dr Päsici als guata Papi und Ehemaa tuat während dera ziit luaga zum Jarin.

A neu windla muass er ha dä chl'i Maa,
 do leid ihm dr Päsici d Badewindla ah.

Liaba Päsici, kriagsch mim Nuka-Laurin nomo1 a zweeti Chance ☺





Das isch dänn a wahnsinns sälber baschtlet! Duschi z' Zanoppis



Dr Riara Weber wett uf da Galanda stiega mit ihrem Schatz,
voller Stolz dr Hunsberg zaiga, hoffentlich nid für d' Katz.

Do git's doch a Abkurzig hät sei dänkt, dänn müamer nid aso witt laufa,
zur Sicherheit tuat sie no dr Luki und dr Alhan froga, wo sie neh muass dia Abkurzigsschlaufa.

Los got'si «Robin, i zeiga diar dr Weg, das isch vielleicht gschidderi,
ach du meine Güte, do isch jo a Felswand, do chömer müina witter.

Am Luki alita, Facetime ischalta und nochem Wäg froga, sofort,
dr Luki erkennt schnäll, dia zwei sind ama ganz falscha Ort.

Schnäll wieder umehetra, alles ahi laufa und nomol vu vorna das Ganzu,
oh je, dia Arma und das mit vollen Rucksackranza.

Liabi Riara, nögst mol verloh'sch di gschidder uf d Wanderrafia,
aso müass'sch denn nämlich weniger witt laufa.

Dr Allemann Frank, vum Peter dr Chnächt,
dä macht dr Stall jo immer zuverlässig und rächt.
Am Guggaball im Hännastall ischer ganz duranand,
„isch jetzt das mina Stall, do machti d' Mälcherei no kannt.“
Am 6i märkter, hai do häts jo nu Hüaner und gar kai Chüah,
zur Türa usa und go mälcha, waaa do hani müah.
Ab uf da Traktor und dr 1. Gang ihi trucka,
d' Kupplig lösa, abiz Gas gi, alles fiin wie mitara Puppä.
„Huara Saich!“ rüafter ganz erschrocka,
„wiso isch jetzt das Tor us dr Schiena keit? Do hauts mi us da Socka“.
Z' R uf'm Schalthebel heisst glaub Retour und nit Reserveparli,
zum Glück hani nit verwütscht eis vu mina Tiarli.



Dr Untervaz – Amerikanisch
Pferdeflüchterer Tom





**VAZER
HäXA**

SCHNITZELBÄNK

SCHMUTZIGA DONNSCHTIG, 24. Februar 2022

Sterna

16.30 Uhr

Gallis

17.30 Uhr

Gärbi

18.30 Uhr

FASNACHTSSAMSTIG, 26. Februar 2022

Gallis

16.00 Uhr

Sterna

17.00 Uhr

Miar freyen üs uf eu!

Schlusswort



Unterem Motto «Zäma fürschi luaga» möchten mir eu zum Schluss ganz herzlich Danka säga...

Üs isch's wichtig, au wänn d' Fasnacht nit ganz mit allem stattfindet cha, dass das Narratriba bei allna, ob gross oder chlii, in guater Erinnerung isch und bleibt. Mir sind wia immer sehr zuversichtlich, dass im 2023 wieder a Fasnacht, wia mir sei können, chan durigföhrt wärda.

Euers OK Fasnacht

Strähl, Nädi, Böxli, Högg, Alex

Rächt härzliche Dank für eura Zuastupf und d' Unterstützig:

Architekturbüro Leo Hug
Restaurant Sternen
Cosenz AG
Gaupp AG
Groll Haustechnik
Graubündner Kantonalbank
4e elektrotechnik ag
Raiffeisenbank Bündner Rheintal
Roth Gerüste AG
Volg Detailhandel AG
Umfahrbar Buaba
Willi Haustechnik AG
Carosserie Casutt AG
Chr. Cavegn Management & Services AG

Strickwerk
GEVAG
Dorfgarage Dünser
Menegon Friberg Vermessung AG
Kieswerk Untervaz
Schreinerei Ludwig
Postautobetrieb Gebrüder Dünser
Physio Refit
Werkstattbetrieb Untervaz AG
Cellere Bau AG
Hotel Fünf Dörfer
druckallerlei
Krüger + Co. AG Zizers
BHP Architekten AG



Balzer Ingenieure AG
BKW Engineering Network

La-Nicca-Strasse 6
7000 Chur

Schützenstrasse 3
8400 Winterthur

Fon +41 58 477 60 60
info@balzer-ingenieure.ch
www.balzer-ingenieure.ch

A riisa Dankeschön gebührt der Firma Balzer Ingenieure AG für z' Sponsora vum ganza Druck und Material vum Zainablatt!



...SO JETZ ISCH FÄRTIG GSCHLOFA...

ZÄMA FÜRSCHI LUAGA



... D' VAZER FASNACHT FINDET STATT...

...MIAR FREUEN ÜS...



WWW.VAZER-FASNACHT.CH